

Pagkakita sa Kusog sa Ginoo diha sa Asoy ni Gideon

Kalihokan sa Pagtuon 1: Ang Tawag ni Gideon

Basaha ang Mga Maghuhukom 6:14–16, 23–27, mangita sa mga sugo sa Ginoo ngadto ni Gideon. (Tingali makatabang ang pagkahibalo nga ang toro nga gihulagway sa mga bersikulo 25–26 usa ka simbolo ni Jesukristo. Si Baal usa ka mini nga dios nga gisimba sa mga Israelita. Ang kakahoyan mao ang dapit sa pagsimba sa mini nga mga dios.)

- Unsay gibati ni Gideon mahitungod sa gipabuhat kaniya sa Ginoo?
- Unsang mga saad ang gihatag sa Ginoo sa paglig-on ug pagtabang kang Gideon?
- Unsa kaha ang gitudlo sa Ginoo kang Gideon ug sa mga tawo gamit ang iyang mga instruksiyon diha sa mga bersikulo 25–27?

Dinhi niini nga tamdanan nga basahon o sa inyong journal sa pagtuon, paghunahuna og pipila ka paagi nga ang Ginoo tingali makalig-on kanato.

Kalihokan sa Pagtuon 2: Ang Pagpakunhod sa Sundalo ni Gideon

Si Gideon nahimong lider sa 32,000 ka Israelitang mga sundalo (tan-awa sa Mga Maghuhukom 7:3). Ang mga Midianita adunay 135,000 ka mga sundalo nga katawhan (tan-awa sa Mga Maghuhukom 8:10). Ang kalig-on sa mga Israelita wala moabot tungod sa ubay-ubay nga gidaghanon.

Basaha ang Mga Maghuhukom 7:2–7, mangita sa kon unsay gusto sa Ginoo nga buhaton ni Gideon sa iyang mga sundalo.

- Unsa na lang kagamay ang gidaghanon sa kasundalohan ni Gideon?
- Nganong gusto sa Ginoo ang ingon niana ka gamay? (tan-awa sa Mga Maghuhukom 7:2).

Dinhi niini nga tamdanan nga basahon o sa inyong journal sa pagtuon, pagdrowing og pipila ka representasyon nga naghulagway sa diperensiya sa gidaghanon tali sa mga sundalo nga Midianita ug mga sundalo ni Gideon.

- Kon kamo pa ang naa sa sitwasyon ni Gideon, unsa kaha ang inyong mga pangutana human makadawat niining mga instruksiyon?
- Unsa kaha ang ikatudlo niining mga instruksiyon diha ninyo mahitungod sa Ginoo?

Kalihokan sa Pagtuon 3: Ang Away tali sa mga Sundalo ni Gideon ug sa mga Midianita

Ang mga butang nga gihulagway mao ang mga butang nga gimando ni Gideon nga ilang dad-on sa pakig-away batok sa mga sundalo nga Midianita.

Basaha ang Mga Maghuhukom 7:15–16 sa pagpangita niini nga mga butang.

- Giunsa kaha ni Gideon sa paggamit kining mga butanga sa pagpakig-away batok sa mga Midianita?

Misaad ang Ginoo kang Gideon nga ang 300 ka sundalong mga tawo mopildi sa mga Midianita (tan-awa sa Mga Maghuhukom 7:7). Basaha ang Mga Maghuhukom 7:17–21; 8:28 sa pagdiskobre giunsa pagtuman sa Ginoo kini nga saad.

Dinhi niini nga tamdanan nga basahon o sa inyong journal sa pagtuon, pagsulat og usa ka kamatuoran nga inyong nakat-onan gikan niini nga istorya nga makatabang ninyo kon mag-atubang og mga hagit.

